

Al: «Presoak etxe ondoan egon behar du horixe eskatzen badu»

Gobernuari inkomunikazioarekin bukatzea eskatu dio Sanek

Asier Azpilikueta / Iruñea

Amnesty Internationaleko idazkari nagusi Pierre Sanek erran zuen atzo Iruñean «euren etxe ondoko kartzeletan egon

behar dutela horixe eskatzen duten presoek». Sanek, Airen izenean berririo eskatu zion Espainiako Gobernuari inkomunikazio atxiloketekin bukatzea, tortura desgertzeko neurri gisa.



JOXE LACALLE

Pierre Sane Alko idazkari nagusia Jaime Brunet saria jasotzen NUPeko errektore Antonio Perezen eskutik.

PIERRE SANEK jaso zuen atzo Nafarroako Unibertsitate Publikoak Amnesty International (AI) erakundeari eman zion Jaime Brunet Saria. Giza eskubideen sustapen eta defentsa lanagatik eman diote saria gobernuz kanpoko nazioarteko erakunde honi.

Alren idazkari nagusiak, sakabanaketaz galdegin ziotela, erran zuen mundu osoko presoek, ez bakarrik euskal presoek, euren etxe ondoko kartzeletan egoteko eskubidea dutela. «Baldin eta, eskaera presoak berak egiten badu», gaineratu zuen.

Bake prozesuaz ari zela, Sanek erran zuen Alk poztasunez hartu duela Espainiako Gobernuak biktimak konpentsatzeko hartu duen erabakia. «Era berean, espero dugu Espainiako Gobernuak kasu egitea Nazio Batuetako hainbat erakundek eta Alk berak egin dion gomendioari eta inkomunikazioarekin bukatzea. Hau torturarekin bukatzen laguntzeko neurria litzateke».

Bake prozesua jagoten jarraituko dutela komentatu zuen ere Sanek bake prozesua inpunitate prozesu bilaka ez dadin. «Giza eskubide-

en bortxaketan nahasturik egon den edozein pertsona justiziaren aitzinera eraman behar da». Egia guzia jakin beharra dagoela nabarmendu zuen Sanek eta horren barnean sartu zuen, zati inportante gisa, GAL afera. Desio bat plazaratu zuen azkenik. «Espero dugu bake prozesuan, negoziazioetan, egotea giza eskubideen babesa». Izan ere, Sanerendako, edozein prozesutan «bake erreala etorriko da pertsona guzien giza eskubideak bermatzen direnean, gatazka anitzen sorburua giza eskubideen bortxaketan baitago».

Barakaldoko Ertzaintzaren komisaldegia ilegala da

■ Hala ebatzi du EAEko Auzitegi Nagusiak

Barakaldo / Europa Press

EUSKAL AUTONOMI ERKIDEGOKO Justizia Auzitegi Nagusiaren epai batek baliorik gabe utzi ditu Ertzaintzaren Barakaldoko komisaldegia zabaltzeko baimenak, arau urbanistikoaren aurkakoak direla eta. Komisaldegia arekako salaketa HBko zinegotzi Txusa Padronesek eta IUko zinegotzi Casimiro Castañosek jarri zuten. Biok komisaldegia dagoen eraikin berean bizi dira. Auzokideekin batera, bi urtez komisaldegia arekako hainbat protestaldi egin zituzten, 1996ko martxoaren 15ean, Juan Maria Atutxa Barne kontseilari zelarik,

zabaltu zuten arte. Barakaldoko Udalak 1995eko azaroaren 8an komisaldegia jartzeko baimena eman zuen, eta 1996ko irekitzekoa. Epaiaren arabera, alta, baimenok ez dituzte betetzen Barakaldoko arau urbanistikoak.

Arau horien arabera, sotoetan dauden eta 10 metro koadro dauzkaten lokaletan, ezinbestekoa da 1,5 metroko aireztatzeko bideak egotea. Lokalaren azalera handiagoa bada, 10 metro koadrotik pasatzen den metro koadro bakoitzeko aireztatzeko bideak 10 zentimetro gehiago eduki behar ditu. Komisaldegia ez du arau hori betetzen, eta ezin da arazoa konpontzea.

Elkarrik alderdientzako foro berriaren eraketa aldarrikatu zuen atzo Madrilen

■ Gizarte mugimenduak PPren ekimenaren aurkako jarrera kritikatu zuen

Erredakzioa / Donostia

ELKARRIK alderdi politikoen bakegintza eztabaida dezentan foro berria eratzekeo premia aldarrikatu zuen atzo Madrilen egin prentsaurrean. Elkarrizketaren eta akordioaren aldeko gizarte mugimenduko ordezkariak EAEko lehendakari Juan Jose Iba-

rretzek elkargunea sortzeko eman pausoak txalotu zituzten. Halaber, ontzat jo zuten alderdi guztiek, PPK izan ezik, Ibarretxeren ekimenari eman erantzuna. Ildo beretik gogor kritikatu zuten Aznarren alderdiaren jarrera. Azaldu zuten, PPK «iruzurra» egin du Ajuria Eneko Itunarekin. «Iruzurra da itun

bat eta horrek dioena etengabe goraipatzea, eta gero testu horrek dioena ez betetzea»; izan ere, Ajuria Eneko Itunak, besteak beste, Estatua- ren eta bortizkeria utzi nahi dutenen arteko elkarrizketa bultzatzea aldarrikatu du. Elkarrik, bestalde, Nafarroa- ke bake prozesuan parte hartze- aren premia azaldu zuten.